



Գևորգ ԷՄԻՆ

Քո ինչին էր պետք այս հաղթանակը

Քո ինչին էր պետք այս հաղթանակը.
Ինչո՞ւ շարժեցիր հույզիդ բանա՛կը, _
Հեծելագո՛րը հաճո խոսքերի,
Հետախույզ գո՛ւնդը հարց ու փորձերի,
Գորշ հետևա՛կը քո համատության,
Ծխածածկո՜ւյթը մերժման տխրության,
Խանդի դիրքերի ոլո՛ր- մոլո՜րը... _
Ասա՛, ինչի՜ն էր պետք այդ բոլորը,
Երբ դու անատիկ այս սիրտը գերել՝
Սակայն չե՜ս սիրում և չե՜ս էլ սիրել,
Երբ անձնատո՜ւր է նա վաղուց եղել,
Իսկ դու... ձանձրությից արդեն սրտնեղե՛լ,
Ե՜տ ես քաշում քո հաղթած բանակը...
Քո ինչի՜ն էր պետք այս հաղթանակը: